

定山堂詩集

定山堂詩集卷二十二

七言律詩七

八五首

周靜香觀察之青州

二首

送陸吳州還海陵

和孝威題友人旅壁韻

寄姜滙思侍御特按視秦中茶馬

四首

故人子南還賦別

二首

壽聖秋同孝威賦

二首

和吳州晚登佛閣望西山

寄謝轅文督學

二首

夏象也之吳縣廣文

送徐亦史之驥沙

四首有序

壽孝威卽和其述感韻

二首

送宋太守之毘陵

寄懷李琳芝侍御

癸巳元日和孝威除夕慈仁寺守歲韻

四首

呂正始觀察之虎林

二首

袁丹旭出守姑蔑

羅篁菴學士請假南歸

二首

同年陰太峰給諫引疾還里

四首

總憲房海客先生予告歸里

三首

戴巖曄司農出叅宛藩

六首

奉送張司空蓬玄年伯予告歸里

蕭五雲太守之廣陵

同年大司寇李五紘侍養歸里

二首

張玉調少司馬歸里

二首

吳岱觀之茗溪學博和胡菊潭宗伯韻

一首

王敬哉學士雨中招同宋玉叔吏部集飲舫

齋賦謝

二首

古心赴吳江學博任

二首

李梅公少司馬返八寶

四首

壽吳雪舫大行

姜滙思侍御暫歸省親再登舊韻

四首

玉叔自銓曹出觀察隴西

四首

送仲生視學江南和坦園學士韻

和聖秋雪後詩并招過飲

孫身之歸宛陵

鄒君可同年之商南令和雪航韻

寄懷周子玉長

寄胡蒼衡太守

和遂初病中吟

二首

歲暮爽鳩封印偶成

二首

長安初春同諸子賦

和聖秋長字

和伯紫初字

和彥遠安字

定山堂詩集卷二十二

定山堂詩集

姪嘉稽

淮南龔鼎莘孝升著

男士祺全較

弟鼎齡孝積訂

士稚

順治辛卯迄
丙申存簡藁

七言律詩七

周靜香觀察之青州

黃鳥聲邊送玉驄金臺蹀躞步偏工
人逢公瑾如醇酒履賜青齊表大風
油幕壺歌明月夜仙山樓

定山堂詩集

七言律詩

卷二十二

閣海雲東卽看召虎猷方壯赤白探丸未易雄

其二

青雲意氣五陵游千騎東方在上頭妙技滄洲三
絕擅盛名梁楚一時收賓朋共愛安陽會河雒爭
稱元禮舟他日柴車過幕府可容從事索青州

送陸吳州還海陵

沙磧鴻飛不可留潞河晴日晚維舟士龍入雒名
原盛洗馬臨江意轉愁吾黨名山堪白首諸生太
學本清流歸呼海國煙霞侶玉案銓成勝拜侯

和孝威題友人旅壁韻

寺門垂柳入霜凋客緒飄零一葉潮
季子衣裳工抵掌休文身世薄憐腰
近傳杭稻江淮盡何日金錢宿舍饒
亂後神仙輕將相平津高閣幾烟銷

寄姜漚思侍御時按視秦中茶馬

霜捲滄沱萬木飛懷人愁對菊叢稀
雙魚字到頻加飯九月邊寒轉授衣
峰障隴雲迴玉笛心隨朔雁度金微
葡萄壓酒秋堪醉千帳涼州唱落暉

其二

天馬遙來西極清
龍媒爭挾大宛名
金城謀自翁孫壯
青海槎經博望平
破柱獨稱真御史
披裘還憶故狂生
皂囊實倚安邊策
南徼今秋盛料兵

其三

金門客難鬢先蒼
玉塞聞歌君馬黃
萬里故人心尚爾
一寒范叔古難忘
射聲校尉停鳴鼓
屬國羌豪憚徙鄉
西望崆峒秋柝靜
時平真擬薜爲裳

其四

何遜梅花寄玉盤

謂漢源也

秦關楊柳拂車寒
雄王角

已神羊折才子吟從落雁看龍戰幾時銷部黨魚
頰何計挽凋殘盈廷大有蒼生事樽酒還期話夜
闌

故人子南還賦別

掛劍蕭條失故歡九關風雨共南冠天容李燮逃
文網世爲將軍怨武安入座虎賁眉宇在披裘燕
市雪霜寒滔滔末俗誰優孟倚瑟先歌行路難

其二

變徵聲高易水唸白虹猶識慶卿心臧洪同日慙

蘭佩嵇紹傳家似竹林問樂已憐風會遠絕交終
望世人深英雄豈合拔蘆老江海蒼茫戰鼓沈

壽聖秋同孝威賦

頻持如意對雞籠紫陌重忻展齒通綠色人行仙
掌上潭光家住衆香中狂來憤鼻堪呼酒春到蛾
眉早入宮上苑卽今誇羽獵爭看駟驥擅秦風

其二

四海知名正盛年醉眠慵上曲江船游平書入將
車邱杜牧唵驚上客筵龍臥金門占大隱鳳廻玉

琤羨游仙五陵花月旗亭侶爲爾珊瑚絡馬鞭

和吳州晚登佛閣望西山

微茫暮色辨山阿秋盡樓臺旅雁過望岫聊容青
眼放入門翻訝白雲多前朝古寺橫殘堞後夜清
霜被女蘿戰壘若銷江稻熟季鷹生事肯蹉跎

寄謝轅文督學

搖落盧龍歲欲闌天涯尺素問加餐爭傳楚澤雄
風賦一起綈袍朔雪寒金馬路猶同汎梗玉盤人
自佩芳蘭甘泉扈蹕思才子卿月卿雲掌上看

其二

詩題榕葉海雲東三歎朱絃曲倍工司馬書成消
渴後濬冲交重酒壚中雙珠并擁魚龍月一涕曾
揮鳩鵲風爲舒章今代文章歸幕府執鞭猶許故人
同

夏象也之吳縣廣文

長楊詞賦薄乘軺立馬儒宮錦絡驕天際曉鴻辭
朔雪江南帆影動春潮琴開石虎花千朶杖倚垂
虹月一橋終信平津經術貴肯因微祿傲耕樵

送徐亦史之驥沙

亦史以承明著作才虎臥文苑其托揚風
雅非建安關元莫稱焉顧獨與余談詩甚
歡今一官南轅高李之袂且分安能不徘徊
歌黃鵠耶寒鐙濁酒與孝威各成四章
以代渭城之唱昔弇州公與汪司馬云吾
與公同年十年而得公文又十年而得公
酒可云晚合余於亦史其亦有歲寒之心
也夫

定山堂詩集

五

萬峰秋盡塞鴻紛江上君山喜屬君家學舊傳南

史筆

謂勿齋先生

宦遊不累北山文樓船月出閒津鼓

首蓂花開隱暮雲到日偉長中論就石渠名姓已
先聞

其二

談笑誰能解衆紛從來鉤黨盛三君百年膠漆思
雷義四壁江山有少文日麗朱琴揮白雪身閒終
悵閱秋雲憑將幽夢呼猿鶴棋局長安不可聞

其三

連江碧草入芳臯賦就閒居緩二毛輕騎語難攀
孺子馴龍書勿絕山濤玉臺今代傳新詠璧月三
秋望大刀何限五陵衣馬色朔風無計慰同袍

其四

晴沙龍臥自神臯食春盤有澗毛季野四時藏
月旦徵君千頃靜風濤亂餘微祿蘭陵酒別後相
思金錯刀官舍未須愁繫馬漢宮鮮錦待江袍

壽孝威卽和其述感韻

靈均始降今何夕草具重斟醉後觴積雪方當明

月照青雲真讓客星狂
名山密草千春碧
虛館朱琴五夜張
漢殿黃金將買賦
勿言才子倦遊梁

其二

條風漸欲轉皇州
爲訝飛蓬歲月流
一榻喜連徐穉臥
十年猶黑仲華頭
錦驄金穴紛無賴
短筑高歌試強留
鄧尉花開雙屐健
芳辰重約醉西洲

送宋太守之毘陵

典郡猶堪起大名
居然金馬薄遊情
解朝祿位過千石
臥閣江山冠百城
盡歷雲霄餘感慨
恐逢高

隱累經營乘驄暫避諸年少司隸重瞻殿上行

寄懷李琳芝侍御

犢車揮手悵離羣襟袖芳蘭忽御君同日書曾連
杜衆大呼廷尚儼朱雲滄洲落月懸千里旗鼓當
風振一軍宣室急籌前席對近傳天語索彈文

癸巳元日和孝威除夕慈仁寺守歲韻

甘泉日影動雲門膠漆心從邸舍論萬里歲華春
到眼一時江海客銷魂椒花謝臘愁偏續竹屋呼
燈晚不喧九域何年歡賜酺野夫相勸只芳尊

其二

桑乾霜色過吳鉤
屐到松關興轉幽
百尺元龍高夜榻
一江洗馬隔春愁
何妨作客呼紅友
真羨還家耐黑頭
鄧尉官梅明聖柳
儘教風物讓皇州

其三

鳩鵲寒銷雪霰餘
拂龜重卜蒹葭居
交唯名士能招隱
計到容身勇遂初
賴有伏雌春社酒
莫嫌金馬故人廬
相逢大道珠鞭揖
何地侯門敢曳裾

其四

中言無煩集入宮
弋人翻恐妬冥鴻
豈虞文網連
三事親見朝廷恕
老翁白石飯牛看
世左青春結
伴許君同五湖
煙月堪雄長
不似平津有下中

呂正始觀察之虎林

鳳城飛絮玉驄驕
目送吳帆遠上潮
酒伴乍愁京
雒減宦情偏對碧
山饒月高天柱秋
開憶花漲西
陵夜度簫鐃鼓
莫驚松桂夢白鷗
盟在短長橋

其二

春風畫戟耀江東
開府名爭彩筆雄
千里呂安征

駕後六橋白傅醉吟中官逢吳越輕津要客到湖
山屬鉅公總爲兩高淹謝屐金門還望舊游同

袁丹旭出守姑蔑

爲郎詞賦擅西京嚴助初傳典郡名江海一麾分
手遠雲霄千騎上頭行爛柯花對青霞發臥閣人
如玉雪清高第卽前宣室席漢庭太守重公卿

羅篁菴學士請假南歸

三月垂楊拂御溝九河簫鼓縱扁舟香濃官錦分
金馬楫近春江動白鷗送眼山川先北固關心師

友半南州露門稽古行重席虎幄宵衣有借籌

其二

絳帳虛陪國士名夔龍身已繫昇平卿雲乍繞羅
含宅愛日長懸李密情夾路啼鶯花霧濕過江水
鱗玉盤清蓬萊急望神仙履倦客烟波擬濯纓

同年陰太峰給諫引疾還里

春雨金溝柳色寒河梁清淚黯雕鞍雁行天上晨
星少龍性人問畏路難三晉煙霞供伏枕五陵車
馬縱彈冠勿愁遠道芳蘭隔錦鯉重加別後餐

定山堂詩集

七言律詩
九

卷三

其二

家法君陵戒亢龍北山歸計得從容
齊名李杜清流傳揮手煙霄長樂鐘
別墅圍棋花滿座中條采藥月千峰
何時雉網寬林翼卜築吾將躡屩從

其三

青瑣名高折檻年後生誰識直如弦
萇弘血擬同時碧杵曰心猶皎日懸
人傑古來如處女急流今始見神仙
紛紜田竇門前事可博中林一醉眠

其四

羣公齒似厭昇平直道何辭拂袖行王路久應銷
薈蔚人竹海亦恕柴荆孤雲望岫悽雙鵠三月還
家報早鶯京雒倘容簪更盍銜杯佳句待陰鏗

總憲房海客先生予告歸里

獨持風采撼凝丞襖被蕭然遠燉燔東國暫容居
赤舄南衙今已厭青蠅一時俗尚尊張禹往事宮
庭憚李膺入幕笑看諸貴少可聞遺直耿朱繩

其二

百鍊高名保桂薑九霄車騎凜秋霜關西共信冰

壺潔長孺能生禁闥光吾道古今同坎壈 主恩
明白屬滄浪勿言疏傅黃金少恐累先生一鶴裝

其三

柳慢河橋春水明唱驪孤憤未全平百年黨錮留
名德一代風雲讓後生進履久爲黃石累賞音豈
必麋桐鳴旋瞻出岫興雲雨多少孤寒待拂纓

戴巖犖司農出叅宛藩

離樽又向鳳城偏惆悵長沙謫賈年避輦猶聞警
妮爐當門誰許立蘭荃帷寒河嶽晴天濶筑散燕

雲落日懸芳草玉鞭心自折途危去住總風煙

其二

古巷飛沙過犢車高齋冰雪對吾廬壁連張儉應
鉤黨窮類虞卿各著書雙屐雨深花逕外一燈人
散曉鐘初那堪黃鵠春風遠腸斷天涯有索居

其三

雙旌宛宛出長楊征雁蕭蕭古戰場白水氣空低
舊壘浮雲人易老河梁幾時懶慢寬中散到處登
臨憶侍郎聞說此邦龍臥穩結廬還許傍南陽

其四

平津高閣徑千盤
按劒何辭行路難
白雪調憐朱綬少
青山春倚筆牀看
江湖自可娛遷客
風俗何人薄好官
嵩少花深煩駐馬
車門冠蓋是長安

其五

十年霜雪共青蒲
斜日銅駝散碧梧
丹檻並時排指鹿
宮雲分手悵啼烏
弟兄星漢雙蓬鬢
天地悲歌一唾壺
虎觀佇前同異席
臧家經術本名儒

其六

綵服貪趨河上舟，九霄笳鼓下鳴騶。
建牙已識羊開府，生子能如孫仲謀。
謂經碧紳黃也漢代公卿恒試吏，
中原節鎮易封侯。袞歸早振清流，
領有客滄江憶白鷗。

奉送張司空蓬玄年伯予告歸里

十年舊學領鵷班，一疏高名得賜閒。
疏廣國門羅衽帳，桓榮經席動天顏。
君宗漸逐飛蓬盡，管樂終期曳履還。
蒲韞卽今虛左待，可因絲竹戀東山。

蕭五雲太守之廣陵

絳帳曾看玉笋抽青春露冕更并州香分雉尾人
千騎柳拂熊幡月一溝自古塞帷推妙麗卽今授
簡待君侯玉琴詩就匡牀靜爲報鶯啼十二樓

同年大司寇李五絃侍養歸里

寶雞長白兩完人蘭佩交公義更親對酒曲江花
照鬢同時貫索草生春松風宰相陶弘景鑑水神
仙賀季真樂踰三公身健舉濟南福澤勝西秦
爲黨于姜
大司農

其二

受鉞中原事已非黑雲壓陣戰旗歸
平消歲月迺金馬老看河山臥鐵衣
長日板輿玄鶴擁後堂名邵絳紗圍
鄴侯天骨真霞表欲往從之歌采薇

張玉調少司馬歸里

不令世喜亦人豪神武冠投轡轉高
過眼風雲爭捷足搏空鷹隼正吹毛
千花驛路迎仙侶三葉家聲起佩刀
祖帳賜金恩未薄拍浮時勿失林臯

其二

古道寧能末俗同况公雅尚託冥鴻
全交每念嵇

延祖玩世無如張長公洛社酒香春倚杖藍田虎
過夜關弓重來曳履煩籌策羽檄西南有戰攻

吳岱觀之茗溪學博和胡菊潭宗伯韻

集賢文采動當時豈獨台州畫可師京國賓朋真
縞帶儒宮鐘籥古威儀帆過明聖鶯花晚夢到吳
興山水私蕭寺峩峩松百尺肯因回首憶彤墀

其二

甘陵風雨事多端灝瀕君從閉戶看藉草歌成同
擊筑鋤蘭憤至一衝冠龍蛇漫託金門隱旗鼓懸

推上將壇虎觀大名經術重勿言朝士愛申韓

王敬哉學士雨中招同宋玉叔吏部集飲舫
齋賦謝二首

白眼乾坤得草亭入門不異在郊坰林中舊雨逢
今雨天上台星卧客星老樹隔鄰浮晚碧蒼煙卷
幔過遙青東華同學紛冠蓋展齒偏容二仲停

其二

豈將黃閣易吾廬花竹經營計不疎曲檻水雲如
畫舫名山杖笠是奇書靈均香草當門盡安石蒼

生捉鼻初浩蕩銜杯秋色動滄洲興已屬鱸魚

古心赴吳江學博任

經年歌嘯滿燕臺雨過桑乾玉轡催未信嵇康交
盡絕翻緣蔣詡徑頻開官閒似返山中轍情重能
勝病後杯屈宋豈須愁坎壈長楊扈蹕待雄才

其二

風雨論心二十秋辟書名始重諸侯地連豐沛知
人傑祿薄江山亦壯游駿骨圖懸千里價鱸魚香
動五湖舟窮交大有平津閣蘭珮輸君共白頭

李梅公少司馬返八寶

纔駕鋒車又賦歸青山未冷薜蘿衣道甘難進宜
江海天護餘生且蕨薇賜沐漸空神虎仗浮家未
卜釣魚磯扁舟穩趁桃花漲河上新巢乳燕飛

其二

折柳頻銷渭雨魂十年烽火共雲門孤心落日能
相憶往事深燈不易論御李有情堪白首攀嵇何
地續青樽南州師友平生重欲別重陳仗劍言

其三

雲羅威鳳事難平黃鵠參差萬里情
幾道軍書喧絕徼一時棋墅負蒼生
世當亂後難丘壑名重清流勝甲兵
天際星槎暫容與眼中逐客已承明

其四

玉案凝香咏四愁金堤明月接邗溝
難堪芳草淒仍綠一望浮雲鬢自秋
硯染鏡臺春雪淨門臨蝦菜晚潮收
宵衣宣室方前席勿謂神仙勇急流

壽吳雪舫大行

槐里飛書蹈虎辰九重親賜百年身
身謫依漢殿官

如客詩壓隋珠老更新高枕跡疑栖碧海銜杯語
勿及平津東方星隱堪游戲動色應思諷諫人

姜滙思侍御暫歸省覲再疊舊韻

晴沙行雁喜南飛酒伴懸愁筑市稀木脫三江星
外舫霜過九日客中衣難堪祖席歌黃鳥欲託幽
心到翠微秋色向殘先送別樓桑笳管正斜暉

其二

時有止息巡方卽致太
平之議故四句及之

新詩一扣玉琴清才子兼傳諫獵名着屐事堪私
歲月埋輪人果礙昇平魚龍萬竈秋煙冷蟋蟀孤

舟白露生迴首甘泉車馬地羽書消息未馴兵

其三

長河擊楫暮雲蒼吹笛千山塞柳黃世閱風煙何
日定道存丘壑幾人忘江鱸入饌娛清晝驄馬行
花得故鄉爭訝雲霄無坦步滄洲可妬客褰裳

其四

樂府迴風舞七盤清歌醉倚玉簫寒英游鄴下風
流盛畏路樽前涕淚看負弩雄文秦棧就射潮舊
壘越軍殘長楊春入金羈影莫遣啼鶯二月闌

王叔自銓曹出觀察隴西

河橋楊柳折殘時，又見寒飈捲塞旗。
燕市乍看稀白雪，楚宮終古忌微辭。
賦成執戟雙旌遠，事到傷弓舉國疑。
應是秦州好風景，玉筵吹送杜陵詩。

其二

斜日愁登郭隗臺，鳴珂霜壓渭城杯。
驪駒人漸中原老，鴻雁春從隴右迴。
名重轉因官避世，途窮惟仗帝憐才。
宮雲勿訝仙盤隔，高掌芙蓉二華開。

其三

亂後論文共酒壚十年清夢半江湖波瀾喜接曹

公子

時秋岳方入都門

蕭瑟重憐宋大夫冰湛玉壺留啓

事花翻羌笛擁征途心知班傅雄圖在無那應劉
旅興孤

其四

中朝部黨各紛紜履尾餘波一濺君風義西州真
皎日賓朋東閣亦浮雲難忘短筑愁中醉忍見幽
桐爨下焚渭樹不遮春望眼幾時宣室慰離羣

送仲生視學江南和坦園學士韻

酒人燕市語難稽
秋草青門惜解攜
帆落渚霜生雁背
鼎嘗文苑快駝蹄
金甌字好標黃絹
玉案名應播白題
愛有吳歛翻子夜
藏烏柳色滿前谿

和聖秋雪後詩并招過飲

佳句忽傳青玉案
依稀華嶺削芙蓉
臥當京雒眞名士
天與菑畬或老農
淮北江南征旆合
蒼梧殘菊野烟封
鏡臺勿戀雙蛾碧
醉看西山雪萬峰

孫身之歸宛陵

布帆烟水又江東
謝眺青山指顧中
盡識元方交

道古何期洛下酒杯同當風白首悽瑤軫落日黃
河憶去鴻早縱金羈春草綠孫郎文苑足英雄

鄒君可同年之商南令和雪航韻

立馬秋原起暮塵遠心黃綺亦堪鄰全攜玉雪梁
谿水一濯風花鄆杜春行路客懷辛似桂看人宦
味滑於蓴兵車滿地愁鴻雁莫遣文章著過秦

寄懷周子玉長

海嶠飛鴻雨雪深美人萬里到高吟簷花難共春
燈語賦草猶懸漢殿金故國黃塵雙鬢色楚江垂

柳十年心窮交玩世仍栖隱待爾狂歌慰陸沈

寄胡蒼衡太守

漢庭經術試扶風三輔名從執戟雄成鼓臥聞京
兆府賜衣春出建章宮卽今鴻雁欣安堵何日軍
輸罷急攻大業太平開倦眼敢煩折節到孤蓬

和遂初病中吟

風瀾幾載憶孤撐霄漢朋簪仗老成伏枕歲華愁
自遣積薪今古事難平普天金甲還窮戰何計春
田遂薄耕朔雪漸銷筋力健清歡準擬逐花生

其二

熱不因人骨自癭休
藥安肯羨休儒驚心朝省曾
封事看髣乾坤各老夫
日晏犢車幽巷滿春來鸝
酒故人扶勿因藥餌妨歌嘯
我輩能堪禮法拘

歲暮爽鳩封印偶成

巾車凌曉踏霜行
春動椒盤歲欲更
朔客愁心迴
玉瑄西山雪色照金莖
天晴幽草雞竿下
塵滿銀
章雀舌清不爲尚書期
屢顧太平離亂總蒼生

其二

示雲司諸同志

爲郎詞賦滿燕臺熊館新瞻六校回天上衆星高
執法中原諸子舊論才仙曹豈礙梅花興何遜一
稱法曹
薄宦能虛竹葉杯吏散不憂書牘背老懷今夕向
春開

長安初春同諸子賦

甲午

椒花寒盡迓芳辰節物蕭齋未盡貧冰雪到門俱
萬里風煙經亂又三春難忘碧草迴晴嶽不信深
樽隔市塵乞得閒身與明月此宵真屬太平人

和聖秋長字

蔡牀清夢隔宵長開徑人過亦草堂彩勝暖從芳
袖覺幽吟寒對晚橙香卽知宮樹行珠絡猶記渾
花映玉觴金角罷鳴春展勇踏歌歡不似他鄉

和伯紫初字

花月春江夢不虛春星今已映前除狂容我法偕
嵇阮老閱交情驗耳餘周處臺邊遙夜雪慶卿筑
畔酒人廬韋祠紅藥金明柳聯轡還期解紱初

和彥遠安字

何能相見不更闌玉案驗成况建安劄笋闢茶壺

苑早短簫長笛蘄門殘馬過河朔憐衣薄人似松
雲共歲寒晞髮與寬煙與綠肯因神虎滯黃冠

定山堂詩集卷二十三

七言律詩八

九十一首

和吳梅村宮坊聞撤織造志喜

雪中 駕幸南苑紀事和梅村宮坊

立春後六日同王鐵山司馬張坤安司寇奏

事南海子

出海子後同鐵山司馬小飲僧寮

上元雪中早朝

萬壽賜宴恭紀

劉海門岡卿觀察通密

畢協公南歸兼懷周于天格

寄懷韋子孝忍

二首

和梅村上元紀事

送王恪菴返秦郵

鐵山介弟

紀伯紫午日過別留宿小齋是夕大雨

傅度山給諫應召入都以七夕南歸送別

四首

壽雪舫大行

二首

素臣南歸兼懷梅公啓六

二首

九日同秋岳聖秋伯紫諸子集慈仁寺登高

限韻

三首

送友沂

寄訓澹心

冬夜聖秋招同洞門秋岳家弟孝積集漢人

寓齋

二首

彥遠返武林和梅村韻

立春日集秋岳齋中和素菴閣老韻

三首

魏石生都諫分餉易酒賦此紀謝

友沂得廣陵家信口占謔之

豈凡司馬招飲息齋和雪舫侍御韻

張中嚴孝廉南歸

二首

園次攜家人都志喜

二首

孝威還邗上和園次韻

四首

同門成二鴻還梁谿

二首

贈張枚菴給諫

張公逸吏部侍養歸京口

何次德返白門 二首

許傅巖給諫奉命視河

霍魯齋侍郎奉命視河

秋岳自副院移少司農賦送出臺 二首

黃蘭巖評事以言事謫官暫返淮陰

彭燕又還雲間 二首

中秋夜和園次韻 二首

秋興 四首

吳見末恤刑八閩賦詩留別漫和來韻 四首

趙友沂自邗江至偕白仲調吳園次徐文漪

集龍松館

二首

洞門六十初度疊前韻爲賀

二首

救菴給諫出補外臬同聖秋賦送歸吳

四首

壽鐵山相國用戊子甓湖舊韻

六首

楊猶龍學士出長晉臬

二首

冬夜同秋岳飲仲生齋中

秋岳出領粵東左藩賦送八首

定山堂詩集卷二十三

姪嘉稽

淮南龔鼎莘孝升著

男士祺仝較

弟鼎璘孝積訂

士稚

順治辛卯迄
丙申存稿

七言律詩八

和吳梅村官坊聞撤織造志喜

銀燈綵勝發高歌春到南天奈樂何前席一言誰
補袞中央四角頓停梭流黃月按桑陰堵大府卮

堊瓠子河聞道遺賢勞夢卜太平黼黻事應多

雪中 駕幸南苑紀事和梅村宮坊

玉几深宮惕晏安甘泉密雪扈雕鞍三驅金鼓熊
羆震七萃彤弧士女看占歲白浮雲子挽射生紅
迸水晶盤侍臣誰奏相如賦多恐天衣五夜寒

立春後六日同王鐵山司馬張坤安司寇奏

事南海子

中宵燈火共城闌石葉沙禽凍早春鄉國恰聯蘭
珮侶貞元曾是玉珂人銀蟾光射衣裘薄霜鬢慚

陪羽獵新稷契許身公等在滄江吾夢屬垂綸

出海子後同鐵山司馬小飲僧寮

鬚拂水花駐玉鞭負喧呼酒暫流連何期覓社林中客竝馬長楊雪後天廢寺殘僧猶土銼舊時幄殿總荒煙摩挲醉眼看遺藻記說前朝負展年

上元雪中早朝

春城歌吹接明光列炬宮鴉散兩行輦路瑞花飛白玉星橋夜色隱青陽寒侵魚鑰金枝溼風繞龍旂舞絮長水鏡共瞻冰壑淨養賢頻爲祝農祥

萬壽賜宴恭紀

玉陛歡生九醞觴仙盤湛露徧鵷行萬年枝拂宮
鶯早百子鈴翻翠蓋長日麗蓬壺開左个瑞飄萼
蒂駐新陽長持金鏡開仁壽重譚春風首建章

劉海門罔卿觀察通密

根盤游俠接九過馮翊風煙待斧柯萬竈魚龍飛
輓急十年鴻雁括田多救時身作窮簷月夾道人
看輦路珂但使太平先左輔壯游節鉞豈蹉跎
畢協公南歸兼懷周子天格

紫藤花落乳鶯飛別淚愁沾楚客衣自愛拍浮隣
甕熟誰令綺皓漢廷稀江深西塞仍烟月雲黯東
華有是非招隱未煩周黨計倦游真美故山薇

寄懷韋子孝忍

十霜楚戶隔風煙龍卧猶聞愛草玄九辯微辭憐
宋玉一經師說倚韋賢青山史著遺民傳赤壁江
深轉戰年縱遣絳紗絲竹在亂餘吾鬢已蕭然

其二

擐甲江城共戍樓別來軍鼓遍神州滄桑萬事謀

仍抽蘭蕙空林興倍幽情重美人遺錦綺月寒宮
柳落金溝樊山夕照臨臯酒歸擬扁舟續勝遊

和梅村上元紀事

璧月天街過冶游九光絳樹五花驄市樓垂手珠
倭髻宮監排場玉坎篴雪霽蓬萊銀箭迴春迴羽
獵火城收何人連袂歌于菴醕賜蒼生徧解愁

送王恪菴返秦郵

鐵山介弟

花明韋杜酒堪攜歸興春帆岸草萋都講才名懸
白虎連床風雨憶朝雞僧彌法護真難並碧欄幽

簾豈易栖早晚宮雲浮雁塔錦驄重問帝城西

紀伯紫午日過別留宿小齋是夕大雨

旅雁愁聞度太行檐花偏落故交觴別逢五日絲
堪續雨過三更話漸長軍府文章推建業中原人
物問明光射鵬躍馬吾真懶他夕重連薜荔床

傳度山給諫應召入都以七夕南歸送別

四首

明河砧杵報秋初搖落重驚賦索居萬里雁行心
尚爾百年龍卧事何如乾坤雙涕憂時草風俗羣

公逐客書日落觚稜還極望向來梧竹已蕭疎

其二

鄉關烽火急陳兵萬弩良家夜伏營豈謂江湖非
報國至今父老盡歸耕席開都講秋風社轍臥蒼
生維下行出處未妨師叔度十年人信住山情

其三

晨星朝士感貞元折檻猶憐熱血存經亂幾人餘
白髮論心今夕又青門每思孝直延三益安得陶
潛共一村歸到更煩披宿草萑弘何地爲招魂

爲令

弟事庵
太史

其四 兼訊雪堂先生

山公高枕尚東湖南鳥遙看憔悴無一自波濤開
部黨幾令霄漢屬吾徒盍簪朋舊憐杯酒前席君
王問大儒猶有寸心隨往路當風肯爲立斯須

壽雪航入行

玉壺冰雪映榴葵三度金門上壽時過眼風波同
老大稱心兒女足栖遲江船海鼓喧軍戍北寺東
朝炫奕棊得見治平公秉軸爲歡寧問夜何其

其二

清齋風日滿雲蘿花下樽開倚劒歌一疏名堪懸
日月百年身易許煙波官疑長孺薪偏積書就嵇
康懶較多若不學仙須進酒平津高閣近如何

素臣南歸兼懷梅公階六

濁河殘限下扁舟歸到淮南落葉稠三歎玉琴風
雨急一行霜雁塞垣秋辟書名姓偏朱戶江左文
章尚黑頭勿悵鳳城孤劒遠蕭條吾意已滄洲

其二

日日登臨憶草堂射湖明月海門霜天涯朋舊仍
今雨亂後煙波幾故鄉割宅喜隣修竹徑還山應
戀晚杭香關河玉笛紛愁思未及京華鬢易蒼

九日同秋岳聖秋伯紫諸子集慈仁寺登高

限韻

上方鐘磬倚危樓秋興蕭條亦勝遊山共落虹浮
曲檻目隨飛鳥到歸舟石鱗冷見蒼煙直玉露晴
凝翠栝流愁對黃塵金甲滿管簫猶似百花洲

其二

憑高日日憶江峰
閣道寧辭屐齒重
出塞客纔悲
斷柳入林心肯負
蒼松秋憐代馬千羣急
老愛吳
鴻萬里逢白羽
漸停杼軸減滄洲
何地不扶筇

其三

碣石霜高落葉飛
菊叢風日澹清輝
天南戰幸投
戈罷問左秋
占行戍稀
雲重御樓花萼繞
月寒沙
嶺皂雕歸
莫嫌埋照師
佗阮諫獵書
同旅贗稀

送友沂

九月霜高冬已臨
樽前寒雁故交心
楚人舊信藏

山玉漢殿全輸買賦金豈有文章窮趙壹試將歌
舞答繁欽岐途未用傷搖落菊筵茆堂興總深

寄訓澹心

涼風蕭颭孝侯臺雁過南天尺素來萬事江湖歸
計好尤秋懷抱故人開嘯歌自信浮踪拙丘壑今
須大隱才爲語羊裘防物色君房車騎滿中台

冬夜聖秋招同洞門秋岳家弟孝積集漢人

寓齋

曲欄梧竹映柴荆斗室名香午夜清風定晚城雙

杵落月寒沙塞一鴻明醉中燈火偏京雒天下耕
桑尚甲兵爲愛玄亭來往數九秋霜鬢閱公卿

其二

星河愁傍角聲低韋杜花深處士栖連騎酒濃鄉
社外按鷹霜急帝城西五陵身世過裘馬四海昆
朋聚鼓鞞秉燭莫辭航勝晚年年幽夢滿前谿

彥遠返武林和梅村韻

冶葉繁條正滿林金溝分手悵春陰人歸海嶠軍
嚴鼓酒熟花谿婦奏琴折柳易迷三月路佳山終

負一年心欲知微尚堅丘壑田實紛紜事已深

立春日集秋岳齋中和素菴閣老韻

乾坤雙鬢對風煙雲物初迴朔吹前生菜玉盤還
隔歲早花絳燭已明年鴻蜚萬井郊圻改鯨躍千
江羽檄傳不信客愁春較逼長楸衣馬競秦川

其二

年年幽夢滿吳山邸舍春樽醉不還苦憶寒烽銷
萬里卽看老屋共三間晴江暮雨鷗波濶石磴深
花鶴杖閒誰扣玉壺招隱士九關高處况當關

其三

玉簫金管破春寒，清夜西園續建安。
萬事風波初進酒，百年花月老投竿。
甘泉羽蓋祈年急，後乘熊羆入夢難。
爲愛啼烏淹子夜，博山沈水似長干。

魏石生都諫分餉易酒賦此紀謝

紫陌雙柑晚騎催，玉瓶重碧到新醅。
最憐焚草梧垣月，分映行花竹葉杯。
李杜交遊真忝竊，荆高風物許追陪。
還期藥石消兵甲，醉看春醕士女回。
友沂得廣陵家信，口占謔之。

江鴻初逐塞雲寒，油壁車中淚未乾。
金屋幾時重對酒，玉人無恙一加餐。
歌聞吳苑鶯啼月，春到隋堤柳字官。
醉裏開緘情不定，恐因薄倖怨長安。

豈凡司馬招飲息齋和雪航侍御韻

蓴鱸托興自清秋，旅食重驚歲欲遒。
共愛江鄉風物美，一寬燕市酒人愁。
橫塘曲好雲迴笛，郡尉花繁雪滿頭。
此事謝公休早計，先輸狂客勇吳笳。

張中嚴孝廉南歸

萬里蓬蒿一客還，紅亭垂柳醉堪攀。
人間計拙楊

雄賦病後心爭謝眺山小弟盛名喧石鼓北堂春
草夢刀鐏何時橫笛臨江渚爲汝深寬老鬢斑

其二

花底鳴鞭望紫騮雲中芳樹引歸舟不辭鸞翮存
知己豈有蛾眉待寒脩東觀異同簪筆滿南徐煙
霧戰旗收萬言董賈虛前席早洗蒼生帶甲愁

園次攜家人都志喜二首

花徑晴宵爲客開爭傳賦草重蘭臺六年夢憶鳴
榔別雙黛人如擁傳來到眼風塵京雒事稱心燈

火竹西杯雲霄試理朱絃曲卿相翩翩自愛才

其二

又看麈尾集諸昆急管清絲幾斷魂鐵騎猶聞連
海嶠卧龍寧易老江村懸知太學聲名重早定東
京部黨喧膠漆勿憂晨漢隔聖人宮已奏雲門時

威將
歸

孝威還邦上和園次韻

惜別朱絲欲罷彈側身天地望平安路經分手風
烟改香忌當門出處難鐵甕一軍江樹暗銀簫五

夜酒杯寬離亭日落休回首柳市車塵已耐看

其二

舊雨魂銷入雜裝滹沱水合又褰裳身孤盜賊忘
羈旅俗薄公卿諱醒狂此去名山深歲月向來吾
黨各風霜難堪到日茱萸水北望秋城雁一行

其三

落花亭院久經行芳草萋萋滯遠程上客尊罍虛
北海清流風俗尚東京鄉心葭莢輕鷗路兵氣關
河杜宇聲同學十年頻雨散牽衣那盡故人情

其四

迢迢林壑擬迴車心事青燈罷酒餘
白首乾坤紛戰馬黃塵踪跡類枯魚
應劉里社人爭健花月春江夢不虛
早晚長楊看奏賦好留蔣徑結吾廬

同門成二鴻還梁谿

君王羽獵正甘泉狗監難逢奏賦年
名重早同遊
雒舫祿微遲乞買山錢帝鶯樹繞東林
月戰馬江
深北固天自昔孫弘非晚達勿因雲壑滯高眠

其二

五
淄塵京雒幾星霜石友相期古道長經亂行藏宜
曼倩謀歸歲月及柴桑吳峰晴放行花屐笠澤秋
開縱酒航勇退豈辭堅素約病餘玄髮已全蒼

贈張牧菴給諫

竹梧深夏露華清伯仲高名著漢京朱轂幾人逃
白簡青蒲終日繫蒼生天空杼軸千村賦月黑樓
船萬里兵多少治安煩惱涕淚哀絲急管總關情

張公選吏部侍養歸京口

河橋酒幔雨初收張翰尊鱸不爲秋詔許綵衣娛

永晝人分水鏡，悵清流長楊芳枳。冰壺月海鼓江
烽，鐵甕樓勇退共知雲壑美。青門今見一扁舟。

何次德返白門

隔巷陰交夏木長，到時春草發池塘。難堪別袂沾
今雨，竟羨歸心得故鄉。名士舊京餘俊及，何家逸
藻盛齊梁。賜書十乘分藜火，早見宮雲起雁行。

其二

秉燭藤陰夜色寒，乾坤尊酒易波瀾。交同龍性輕
千里，價重蛾眉薄一官。愛日綠衣留北道，過江軍

鼓接長干釣船秋好能相待入雒方知行路難

許傳巖給諫奉 命視河

清秋朱旆拂雲斜汲黯名高奉使槎折檻異時排
鹿馬寧交何地辨龍蛇淇園下竹千家淚瓠子臨
歌萬里沙經國豈虛關內賞細籌杼軸答皇華

霍魯齋侍郎奉 命視河

風清樞幄九河濱許國羣推稷契身軍府轉輸留
偉略中原壁馬問勞人十年發卒逃龍首三策論
功仗虎臣開濟盈廷資大計早攜羽節上星辰

秋岳自副院移少司農賦送出臺二首

秋生柏府漸高寒退食從君咏玉盤
經國管蕭流耳少論交李杜竝肩難
投簪素約敦林壑拄笏青
天縱羽翰尚喜風霜留諫劄栖鳥長似鳳皇看

其二

幾年煙嶠共登臨多難蕭條百感侵
執簡纔偕丹地乘車未改白頭心
花廳步好偏星散金馬官
移總陸沉憂樂早關同學事蒼生今望謝公深

黃蘭巖評事以言事謫官暫返淮陰

冰雪裝爭諫草寒玉珂猶傍五雲看
颿開蟹稻淮河壯袖拂龍鱗漢網寬
國計算緡還佑舶霜颿吹淚有門蘭
勿因叢桂淹家食天下清流望羽翰

彭燕又還雲間

蒼茫雙闕過浮雲玉塞初分旅雁羣
海內錢刀爭得路江東人物久推君
繭絲家散歸裝薄鼉窟秋深戰鼓聞
回首旗亭風葉亂可堪吟望到斜曛

其二

太行迢遞隔南雲湖海蕭疎入雒羣
仗馬煙霜分

萬里充龍風俗忌三君夢迴碧澗秋尊滑月落高
城玉笛聞罷酒勿驚蓬鬢白故山卽擬共朝曛

中秋夜和闍次韻

高城砧急衿衣單珠斗參差漏未闌萬里秋生雙
闕迴百年晴愛此宵看烏飛桂樹蒼山暮馬度榆
關白草寒簫鼓九天人極望浮雲盡處是長安

其二

虛堂瑤瑟晚煙開蓬鬢休增畫角哀謁者乘槎星
漢去甘泉駐馬海烽來金隄未偃魚龍夢玉露初

定山堂詩集

浮鵲杯漫引霓裳歌壁月宵衣正警柏梁臺

秋興

觚稜雲氣曉蒼茫輦道秋凝碧露光豈愛金鋪巢
翡翠新開阿閣下鸞凰堯堦日暎仙萸麗漢詔租
蠲左輔荒櫛沐萬方勤玉几敢言歡樂未渠央

其二

橫經虎觀析羣紛召直仍傳灑練裙暫有期門開
玉璫不令天祿鎖香芸蘭波迴櫂歌汾水麥穗占
年紀瑞雲憂國老臣深造膝九秋溫樹不曾聞

其三

燧入吳天鐵弩橫高秋簫鼓送南征
水犀自決新洲戰風鶴休輕灞上兵
前箸河山傳檄遠後車鶯燕祝功成
關西飛將方超距笑指滄江畫角鳴

其四

爲天中
給諫

誰向流人問孟崙風霜一夕動天閭
檻留丹陛猶旌直書就金商豈避髡
沙草未迷迴雁路庭萱終沃放麋恩
宓妃玉女虛無事止輦先招出塞魂

吳見未恤刑八閩賦詩留別漫和來韻

王五
秋風笳吹動征塵擊汰長河錦樹新雁去漸知鄉
驛近雉羅先放海天春仙霞列嶂迎丹筆畫省經
年倚玉人兵氣盡銷園草綠賦成陪輦待東巡

其二

戈船犀甲正張皇持節難爭使越裝秋草問程同
蜀道青天橫角正他鄉雙旌榕嶺叅雲碧萬弩鯁
潮射日黃問道勾吳飛赤羽那堪洗馬對茫茫

先遣

恤刑四川
木果行

其三

江聲荻葦入秋長歲計中洲蠡稻荒尺素遠謀逃
世事舊遊真少却貧方青門看鬢分今雨白下開
燈憶早霜京雒共傷羈宦久竟無佳句報西堂

顧與

治書來言
近狀殊困

其四

金絡斜陽和策歸猶憐沙路有殘扉時賢竟讓公
孫閣古道翻愁范叔衣絕塞朔風懷馬角何年白
日照牛礪繞枝烏鵲棲難穩美女乘秋勁翮飛

趙友沂自邗江至偕白仲調吳園次徐文漪

集龍松館

西風重到野鷗羣
嘯傲匡牀咏五君
橫海烽烟愁暫遣
滿城砧杵夜初分
他鄉節近茱萸月
經歲人攜薜荔雲
燕市酒徒零落後
玉山入坐已全醺

其二

每槌車壁戴秋星
慙負青山入戶庭
誰信老夫分暇日
翻緣處士滿王廷
俊厨風尚存吾黨
潘陸文章起妙齡
暫醉江南春色裏
夜涼燈綠九華屏

洞門六十初度疊前韻爲賀

旅鴻猶聚九秋羣山嶽風稜讓霸君花重曲江春
騎遠柏高西府暮烏分身經朔雪看雙鬢世爲清
流望五雲才子賦成陪輦近金莖應助玉盤醺

其二

飛書闔闔燦華星似有鈞天起洞庭亥步算纔過
甲子金門隱亦重朝廷賓朋北海行三雅風度西
清待九齡聞道謝家絲竹滿月明能撒水晶屏
敕菴給諫出補外臬同聖秋賦送歸吳

何能吾道不風霜丹壑心期未忘嘆世總憐喬

固盡還山先羨薜蘿長
皂鵬茲避三秋直渴驥泉
奔一國狂燕市筑殘寒月滿斷魂燈火記飛觴

其二

補袞空亭織錦梭
美人凝睇隔明河
銅龍未罷憂天草
軒鶴爭鳴夾道珂
慕義幾人追北海
同時才子散東阿

爲嘉禾侍郎

金昆複壁嗟峨久濁浪甘陵奈

汝何

枚菴爲西銘太史介弟

其三

主聖憲開屈軼年彤雲金鏡夕扉前
千人獄自祥

磨轉萬井春驅猛虎還南越戈船嚴助對中朝絳
灌賈生篇梧桐一院今搖落未覺空山穩晝眠

其四

悲鳴鴻雁亦求曹買網偏驚朔雪高盛世名誰標

黨錮西州吾尚愧人豪

是時余尚未謫

百年鸞鵠存師友

一夕驪歌改鬢毛早晚歸朝筋力健莫將簪杖戀

藜蒿

救港爲吾水心師姻家故有百年師友之句

壽鐵山相國用戊子甓湖舊韻

湖月林風興邈然入宮重與妬嬋娟因憐京雒新

蓬鬢悔負煙波舊釣船黃紙千官堂印下清流九
品玉衡前爲霖大業勞平格長放在夫被酒眠

官果

其二

朔塞塵高點素衣慶霄五色倚黃扉嵇生龍性書
頻就謝傅蒼生志不違密霰心驚神虎仗春颿夢
繞白鷗磯君房買菜無多語鼎足于今少是非

其三

尺疏恒聞徹陞呼瘡痍四海一身扶憂時白髮籌

金釭對客清水坐玉壺桃李成蹊心自寂蕙蘭當
戶道先枯南天砥柱惟公在強食勳名激懦夫

其四

襖被蕭然別菊叢兩宜麻詣拜三公滄桑身許安
危共藟桂人嫌出處同造膝功名扶杖後補天計
畫徙薪中梅花醞熟聞絲管手致昇平卽閭風

其五

人座驚傳謔浪高每開東閣待綈袍賓朋愛奏雲
門瑟仕宦爭看灑瀨濤吾道淹留歌虎兕羣公意

氣盛錢刀斗杓名德堪模楷放黜餘生已伐毛

其六

金莖宮樹玉盤秋漢殿風煙勝十洲丹戟庭宜施
馬埒素絲身不改狐裘名高黨錮三君傳才老兵
戈萬斛舟繞膝鳳麟開醉眼夜來飛雪滿瓊樓

楊猶龍學士出長晉泉

畫戟朱輪出九重濟時經術仗儒宗玄亭席割黃
麻紙丹筆春迴紫禁鐘一飯客心生鉅鹿三關雪
色起盧龍望之試吏旋公輔終信蓬山掌露濃

其二

同時羅網盛東京名重關西玉雪清
三晉河山連大陸十年詞賦狀承明
黃沙閭左秋徵戍白羽雲中舊弄兵
寬大總期十曼倩親聞宣室念蒼生

冬夜同秋岳飲仲生齋中

芋火堂開綠雨樽故交箕踞似柴門
夢迴南國花仍發雪霽西山夜不昏
兩部奕棋膠漆在一軍談笑舳艫屯
醉餘好闕憂天舌香茗紅牕與細論

仲生

談防
海事

秋岳出領粵東左藩賦送八首

鳳闕旌開曉霞寒離筵屢改向冬殘天隅戎馬容

才隸意外羈愁豁路難

因候議淹留五十餘日

長笛早梅催

大庾孤砧落葉憶桑乾晨風好縱南飛翼莫作雲

霄鍛羽看

其二

蘭珮相憐傍紫宸飄零真欲共風塵交情垂老煩
鉤黨世故多更解畏人潮徙鱷魚仍白筆花明翡
翠白青春浮踪炎海憑栖息豈有波瀾似要津

其三

絳灌廷排賈傳狂恩深文帝許浮湘一官按劍情
終恕四海登車路未荒軍鼓暮嚴龍戰久瘴鄉日
鬪客身強侍中襪被餘冰雪應笑千金使粵裝

其四

六校鳴鞭發射熊羣卿博議羽旗東甘陵部洸三
君夜宣曲晴號萬木風銅柱功名歸馬援金門寂
寞守揚雄他時尚記更闌酒燈火霜青土銼同

其五

樓船南下虎符喧鐵券雄藩峙海門一自五羊開
鼓角至今萬井散鷄豚徙薪誰効珠崖策增竈難
明王食恩文軌普天歡給復當時佐計已深論
秋岳
以少司
農出

其六

辟疆園對藕花秋澤國停颿畫錦游日煖雙魚春
入饌人歸八座曉鳴騶藏書角里雲中屋吹角盧
循海上舟
時潮海方警
宦就蠻江無石載丹砂須爲白
華求

其七

彭蠡鴻暄漸北飛嶺南書札到應稀
篇成白馬逢誰寄夢逐丹崖遠自歸
過雨懶開松下展看花愁
淨別時衣試尋錦帶橋頭月曾照聯吟立翠微

其八

風度祠前振玉珂中朝金鏡未全磨
九州職貢天南盡六代公卿吏事多
望到碧油寒雨雪重來赤
烏障江河懸知台鼎難鉤曲去國憂時鬢已皤